

**SCIPIONIS
CARTEROMACHI
PISTORIENSIS
ORATIO DE
LAUDIBUS...**

Scipione Forteguerri



SCIPIO CARTEROMACHVS
DANIELI RENERIO
PATRICIO VE-
NETO. SA/
LVTEM.

ORATIONEM nostram de Laudibus græcarū literarū,
multorum petitionibus, & quasi cōiitijs efflagitatam, sub
tuis auspicijs publicamus Daniel Reneri. non modo enim
singularis humanitas tua, beneuolentiaq; erga nos, id face-
re nos cogit, sed & græcæ quoq; linguæ tanta experientia,
ut me ego, quoties de his rebus una ut sit, cōfabulati sum⁹:
adiutum abs te in ea maxime senserim. ergo tu cū eam a no-
bis habitam, uulgo, passimq; commendaris, editioni quoq;
plus fortasse iusto fidere nos effecisti. sumus enī nescio quo
pacto persuasi, quod tu laudaris, id a nemine iri improba-
tum. Quod siue succedet, tibi laudem omnem debemus,
siue erunt: quib⁹ ea re minus sit satisfactum: tuū erit uel tue-
ri nos: uel condare. Vtrumq; autem nobis optatissimum,
ac uoto proximum. nam & patrociniū tuum meritum ui-
deri, amplissimum & morum, & doctrinæ testimonium cen-
seri poterit: ac limam tuam subire, nil aliud erit: quam acci-
pere τὸν κολοφῶνα τοῦ λόγου, καὶ τὴν τῆς ἀθηνᾶς ἄστρον.

Vale.





VM VARIA, multiplicataq; sunt
uiri studiosissimi: quæ apud di-
uersos homines bona, honestaq;
existimant, p cuiusq; cōmodo,
aut naturæ conueniētia: illud p-
fecto optimū uideri debet: quod
consensu omnium, aut certe pro-
batissimorū, utilissimum huma-
no generi natura edidit. quod e-

Optimū,
quod uti-
lissimum.

nim beneficia summa omnibus contulit: confertq; cottidie:
id non esse optimū dici non potest. meretur enim bonitatē
beneficentia. Disciplinis autem a Dijs immortalibus ni-
hil utilius datū esse hominī, tam nemini dubiū esse uideo:
quā nihil animo ipso diuinius: cuius illæ sunt possessiones,
ac facultates. Neq; uero obscura sunt: aut ignota earū be-
neficia hominibus: cum & audiant ea cottidie, & uideant, at
q; omnibus pene modis experiantur. Quod si Disciplinæ
utilissimæ: quantæ id dignitatis esse censendū est: cuius hæ
potissimum beneficio manarint in lucem? certe maximæ,
& cui nihil anteponi uel possit, uel debeat. Id autē esse græ-
cā præcipue linguam, cū egregios in quauis disciplina ui-
ros nō credidisse modo, sed & tradidisse, uel legerim, uel au-
dierim: ipse quoq; facile me in eandē sententiā adduci pati-
or. cuius rei uos certe iudices in præsentia facio, qui cū ciui-
modi ornamentis insigniti omnes, atq; honestati pdeatis:
græca quoq; uel in uobis ipsis admiramini, uel in alijs stu-
dio prosequimini. Existimo autē quicquid laudis uniuer-
sis simul conueniat disciplinis: id omnē græcæ linguæ meri-
tis nō iniuria ascribi oportere. quod quā uerum sit: mox au-

Disciplinæ

Græca
lingua.

a 2 dictis.

dietis. Nam enim huc græcæ linguæ laudes exploraturi ac-
 cessimus: Quantūq; ex ea manarit utilitatis humano gene-
 ri: quamq; ea latinis præsertim hominibus cōtulerit semp:
 conferreq; possit in dies magis uti uolentibus. Igitur græ-
 ca lingua, si græcorū scriptorum sua prodentium fidem se-
 quimur, uetustissima, nobilissimaq; est. Quippe quæ nō ali-
 unde traxerit initium: sed apud suos homines ueluti natura-
 li quodam ortu prodierit in lucem: atq; maioribus assidue
 incrementis inoleuerit. Nam cum Athenienses, quorum
 purior atq; elegantior sermo est: αὐτόχθονας hoc est indige-
 nas, ipsosq; suæ terræ perpetuos incolas, propriosq; cultor-
 es, dici conueniat inter scriptores, quis nō uidet linguā quo-
 q; ipsam non minus αὐτόχθονα dici debere. sermo enim a
 natura homini datus, certā hominis ætatem necessario con-
 sequitur, nisi quid impediat. non enim possunt nō loqui ho-
 mines, expeditis præsertim locutionis uocalibus instrumen-
 tis. at quam alia quæso lingua ufos credamus eos: qui nō
 aliunde migrarint, nisi ea quæ ipsos semp comitata sit. Qua
 propter hoc plus cæteris nobilitatis græca lingua sortita es-
 se uidet, quod aliæ hominū inuenta proculdubio sunt: hæc
 naturalis quodāmodo existimari potest. quādoquidem in
 eam primi illi homines nulla arte, nullaq; industria, sed na-
 turali quodam instinctu ducti fuerint. Cur enim ea po-
 tius uerba in mentē uenerint illis hominibus nullius adhuc
 rei gnaris quam alia: Quippe natura ipsa omniū rerum
 pūda, ea uoluit lingua instituere illos homines: quæ ad sui
 postea indagacionem, atq; expressionem, plus aliquid cæte-
 ris collatura esset humano generi, quod nō sefellet tanto em
 græca lingua cæteras omnes antecellere uidetur in tradēda
 rerum

Verustissi-
 ma.

Naturalis.

rerum cognitione: quanto homo aliquis omnium rerū peritissimus, atq; ingenio perspicacissimo, ac prope diuino, hominē alium mediocris literaturae, tenuissimiq; a natura ingenij, antecedit. non modo enim disciplinas omnes quotquot unquā fuerunt & melius, & copiosius graeca ipsa et perlustrauit & tradidit: sed & si alio sermone haec exprimere, aut efferre nitare, plurimum necessariae lucis, ac prope ueritatis ipsius abstuleris. Ideoq; ueluti mancum merito credi potest: quicquid alijs literis scriptū legatur: si cum eo conferatur: quod a graecis proditum sit. nec id hominū tantū causa euenire dixeris: qui non eam uel curam, uel diligentia adhibuerint in perquirendis rebus, aut tradendis: quam graeci homines. nam id quoq; uere dicitur (quid enim intentatū illis ut Plinius inquit,) sed ipse quoq; ceterorum sermo nō eam patitur expressionem, quam graecus. atq; adeo, ut plus naturā efficere, quam uerbis monstrari possit: in alijs quidē locutionibus non procul absit a uero. in graeca autem tantū abest ut uere dicatur: ut melius etiam aliquāto, atq; significantius non nulla ante oculos ponat: quam natura ipsa molitur. Id autem Latini interim sermonis argumento intelligere licet: qui cum elegantissimus & sit, & habeatur: a graeco tamen longe superatur. Diuus quippe Hieronymus proprietatem inquit graecā latinus sermo nō exprimit. Quintilianus, uidetur mihi sermo ipse romanus non recipere illā solis concessam atticis uenerē. Gellius, Adieci inquit saepe animū ad uocabula rerum non paucissima: quae neque singulis uerbis ut a graecis, neq; si maxime pluribus eas res uerbis dicamus: tam dilucide, tamq; apte demonstrari latina oratione possunt: quam graeci ea dicunt prius uocibus, &

Significantissima.

paulopost. sed huius inquā tui erroris culpam esse intelligo
 in mea scilicet, infacūdia, qui ne pluribus quidē uerbis potu-
 erim non obscurissime dicere: quod a græcis rectissime unō
 uerbo & planissime diciť. Cicero cum Aristippi illud ami-
 co scriberet, habeo, nō habeor a Laide, græce inquit id meli-
 us. Lucretius multa se græce dicere affirmat propter egesta-
 tem linguæ, & rerum nouitatē. Quod si Latinitas græcita-
 tem, ut sic dixerim, usquequaq; referre non potest: cui coniū-
 ctissima est, ac prope germana: quid alias linguas existime-
 mus: quibus cum nullum est illi cōmertium, nulla affinitas:
 sed qđ dici solet: diametro inter se distant, at habent & illæ
 suum fortasse nitorem, suam elegantia. Equidem non ne-
 gauerim inesse aliquid singulis ppriæ uenustatis, neq; cū
 uerisimile est ingenij cuiusuis homines nullā omnino curā
 proprii suscepisse sermonis. Quin potius quemadmodū
 colendorum agrorū apud omnes pro loci, ac cœli qualitate
 usus est, sed alijs asperius solū, ac natura ipsa horridius mul-
 tum ueri cultus respuit: ac negligit: alijs contra mitius, ac pla-
 cidius omnē admittit curam, omnēq; industriā. sic quæuis
 locutio splendoris quidem aliquid in se retinet: sed cæteris
 multa negata sunt, græca omnia una complexa est, atq; co-
 usq; ut quæ apud omnes alias peculiaria natiuaq; sunt ipsa
 quoq; reddat non minus eleganter: quā apud illas ipsas ha-
 beantur, nulla autem uim eius penitissimā possit exprime-
 re. Quo fit: ut nostri, quoties aliquid efferre cogitāt: quo nil
 uenustius, nil elegantius intelligi uelint: atticos lepores, atti-
 cos sales, atticā uenerem, atticam eloquētiā, aut atticū de-
 mum aliquid id esse dicant. Quā obrem quod de Platō-
 ne inquit Cicero: Iouem si loqui uelint: nō aliter locuturum:
 quam

Hic lepores
 sales
 Hic uenerem
 eloquētiā

quā scripserit Plato: si idem, aut simile quiddā de grāca lingua pronūciemus: nō absurde dicturos nos arbitror: naturam si loqui uelit: nō aliter, quam grāce locuturā. quod & ^{natura ipsa} re ipsa comprobauit, sua siquidē mysteria omnib⁹ sane hominib⁹ in medio proposuit perquirēda, ut cuius in eius arcanis liceret ingeniū exercere. at perfectam de ijs ipsis, atq; absolutam tradere cognitionē, grācis proculdubio solis cōcessisse & quasi diuinitus seruasse uidetur. Itaq; soleo mecum ipse quosdam ex grācis ridere nōnunquā: qui adeo sibi inuidere uideantur, ut quicquid in disciplinis grāci profecerint: id aliorum inuētis totum tribuere contentur. Quid enī quāso sunt aliorū inuenta, nisi minuta quaedam & pusilla: quae casu magis, quā ratione habita iure existimes: ut liceat in his poetica illa uti sentētia, *τύχην τέχνην εἵριτες*, id est fortuna artem peperit, at uero quae a grācis & cōperta sunt & tradita, nō tam homines explorāsse aut retulisse credas, quā naturam ipsam de se singula prodidisse, atq; adeo, ut in ceterorum scriptis illorum ipsorū hominū sermo sit, in grācis natura ipsa quod dixi: loqui uideatur. Quod si aut tempus: aut locus pateretur, singulas nos uel scientias prosequi, uel artes: ut quae a grācis & inuenta in his & tradita sunt, cū ceterorum omniū, quos scimus traditionibus conferremus: perfecto nemo uestrum (ut arbitror) relinqueretur: qui non tantum grāca a ceteris distare magnitudine fateretur: quātum elephātem a culice. Quid enim, ut alia omittā, philosophia ipsa omniū scientiarū parens, ac Domina adiumenti unq; habuit ab alio genere, quam a grācis: tantū enim abest, ut quicquā ceteri contulerint philosophia: ut si qui etiā e barbaris, eius aliquādo studio incensi fuerint: ad grācos migrarint:

Philosophia a Grācis.

rint: atq; iſdem, ſi quid ex philoſophia poſteris relinquere
 uoluerint: id nō ſua magis, quā græca lingua efferre dignū
 iudicarint, non tam remunerādi gratia, ut exiſtimo, eam lin/
 guam cui acceptū referrent quicquid ſcirent, quā quod aut
 inſolēs, aut impoſſibile uideret, uel diſci, uel tradi recte phi/
 loſophiā alio quā græco ſermone. Hinc Toxaris, atq; Ana/
 charſis e Scythia Athenas philoſophandi ſtudio ſe contu/
 lerunt. Chion e ponto, Cuius & ſuperioris Anacharſidis
 extant græce quoq; epiſtolæ perquā elegantes, nec minus
 philoſophiæ præceptis reſertæ. Phauorinus uero e gallia,
 non modo plurima græce in philoſophia conſcripſit: ſed &
 Romæ quoq; ubi uixit multa ſæpe græce diſputauit: quem
 admodū Gellius ex noſtris, ex græcis Philoſtratus autores
 ſunt. Philon Iudaus nō hebraice magis, quā græce philoſo/
 phiam illuſtrare conatus eſt. Muſonius autem omniū ſtoi/
 corum Neronis tempeſtate celeberrimus cū e Vulſinio eſſet
 Romæ proxima urbe: græcis potius ſcriptis, quā latinis mo/
 numentis philoſophiam augere uoluit. prætereo quot ſyris:
 quot ægyptij, quot Thraces philoſophiæ myſteria græce
 ſcripſerint, Orpheum, Muſæum, qui tamet ſi inter poetas
 cōnumerantur: attamen poſſunt & philoſophiæ adſcribi,
 cum uetus illa theologia nō niſi carminibus texeretur. Sed
 quid opus eſt alios cōnumerare: cum Ariſtotelē ipſum phi/
 loſophiæ magiſtrū, Thracia nobis tulerit, Græcia excolue/
 rit: Cuius celebriores quoq; expoſitores nō græci, græce cū
 interpretati ſunt. Porphyrius e phœnicia, Iamblichus e ſy/
 ria, Ammonius & Philoponus ex ægypto: Simplicius e
 phrygia. Quin & in alijs quoq; artibus multi multa græce
 ſcripſerunt nō græci. De grāmatica exactiſſime Apolloni⁹
 & Herodianus

& Herodianus Aegyptij. De Musica, atq; Astrologia Ptolemaeus itidem. Arithmeticam Nicomachus & Iamblichus syri: & geometriæ nonnihil. Dialecticæ quoq; ante Aristotelem ab Archyta Tarentino scriptū aliquid legimus. neq; id nunc dico, non posse homines aliter philosophari, quam græce: sed quicquid cæteri philosophati fuerint, aut inchoatum quiddam, aut non absolutum consistere: sed quod extremam & quasi Apellæam manum desyderet. At dicet aliquis Pythagoram, Platonem, atq; alios philosophandi studio in ægyptum se contulisse. Ego uero non negauerim aliquid inde in Græciam retulisse hos uiros, ex ijs præsertim: quæ ad diuinitatem pertinent: quæ ab hebræis multo ante in ægyptū pulsas manasse uerisimile est, nam & legisse Platonē hebraica scripta, & lecta imitatum fuisse autor est Eusebius, atq; ea in græcam linguam tralata, quando & Trismegistum, qui omnem pene ueritatem, ut ait Lactantius: nescio quo modo inuestigauit: græce scripsisse uideamus, hebraicam tamen ueritatem interim excipio. nam de humanis rebus, atq; artibus agimus, non de diuinis inuenris. quanq̃ hæc quoq; postea, a græcis potissimum explicata sunt: cum ratio propagandæ ueritatis iam non refragabatur. Quid quod & Indos philosophos græcæ linguæ ignaros non fuisse scribit Philostratus, & cum Tyanensi Apollonio græce nonnunq̃ fuisse locutos. Atq; hæc de græca lingua, quantū uel nobilitate, uel usu cæteras antecellat: dicta sufficiant. nunc quantum latino sermoni adiumentū præstet: dicemus. Nam aliæ profecto locutiones scire sine græca lingua parum recte possunt, ut uero optime loquantur nihil impedit. At latinus sermo ne loqui quidem potest exacte

Græca lingua
qua quantum
latinæ
conferat.

sine græcæ linguæ cognitione, tantum uel cognationis uel
cōiunctionis cum illa sortita est hæc nostra, ut esse fortasse
possit sine illa, bene autem esse nō possit. Quemadmodum
homo sine uirtute ut sit: nihil prohibet, ut uero bene sit: fieri
non potest: si uirtus non adsit. Quare quid aliud esse dice-
mus græcam linguam: si ad latinam referatur, quā eius uirtu-
tem, ex qua sua illi felicitas comparetur. Quod si Ouidianū
illud sub eius persona protulerimus, non ab re fortasse dixe-
rimus: Ergo ego sum uirtus: ego sum tibi nobile regnum.
Minime autem indignari debet sermo latinus: quod e græ-
co manarit: sed gloriari potius, nam quod ab optimo auto-
re initium sui traxerit, fieri non potest: quin sit & ipsum opti-
mum, atq; illi proximum, non potest ergo nō esse cuius rei
accommodatissimus latinus sermo: qui e græco processerit.
ac mihi sane uidetur: cum utrunq; cōsydero nihil aliud esse
latinus sermo: quam græci exemplum atque imago, ut quic
quid in illo sit: in hoc quoq; eniteat. principio em̄ si elemen-
ta, ac literas earumq; inter se contextum intueare, eandem
in utrifq; inueneris rationē: si uerba, ac uoces: eodem modo
significare, eodemq; modo nec̄ti, ac cōstrui ac pene uim ha-
bere eandem. ideoq; si qua etiamnum innouanda nobis, ac
figenda sint, ita demum habitura fidem dixit Oratiū: si
græco fonte cadant, nam & multa nos a græcis accepta trās-
positis literis nostra fecimus. μὲν illi Dorica lingua di-
cunt: nos formam: Illi ἄρπας nos rapax, multa immutatis
φῶς fur, νύξ nox, multa additis ἑξ sex, ἑρπύλλον serpyllum.
multa eadem permansere. Infinitum esset omnia persequi,
ut dictionum eadem ratio, ut nominū, ac uerborū inflexio,
ut præpositionum, aduerbiorum, coniunctionum eadem
observatio,

Latinus
sermo,
Græci
imago.

obseruatio. sed minutiora hæc, quam ut in præsentia exami-
 nanda sint: & a nostris grammaticis abunde tractata. *Cōpositio*
 tionis uero cōpositio ita pendet e græco, ut quæcunq; a græ-
 cis tradita sint in ratione dicendi, eadem a latinis & seruent
 & seruari iubeantur, nam & quas dicunt sententiarū & quas
 orationis figuras, in usu a latinis non minus receptæ sunt:
 quam a græcis: & earum nomina aut græca adhuc usurpan-
 tur, aut græcorū imitatione significantur, uim quoq; rei ap-
 pellatione ipsa exprimētia, quam qui nō uident: rem quoq;
 ipsam non diligenter animaduertunt. Neq; uero casu eue-
 nisse dixeris tantam hanc conuenientiam, sed industria, sed
 prouidentia, quare non nisi græca lingua duce procedere la-
 tinam posse uerissime affirmari potest. Quemadmodum
 enim si principium rei, atq; origo nesciatur, sciri ea res non
 satis recte potest: ita latina lingua si græca ignoretur, ut
 bene teneatur: non fit uerisimile. Quod si te ad disciplinas,
 artesq; cōtuleris, ac rerum cognitionē sectari uolueris: Iam
 uero hic quā pene nihil effeceris: si te græcis priuaris. omitto
 enim grammaticā, quæ ut multa habet ppria, peculiariaq; *Gram-
 matica.*
 in uno quoq; loquendi genere, sic multa etiā retinet græcæ
 latinæq; linguæ ita cōmunia, ut quod de altera tradatur, al-
 teri non minus cōueniat: quare græcis quoq; niti autoribus
 ad nostrū loquendi usum non renuere nostri. At uero Dia-
 lectica tam potest sine græcis literis incolumis sciri, quā sine *Diale-
 ctica.*
 Aristotele, nisi forte a recentiorib; uel nosci uel tradi melius
 existimemus: aut ijs libris perdisci posse: qui ex Aristotele
 tralati habeant: q̄s si aspiciat ipse nō recognoscat, sed qd̄ de
 Aquila dici solet pullos nacta nō legitimos, reiiciat: ac nolit
 p̄ suis: Quippe qui Aristotelici solis radios nō ferāt. possem

hoc loco afferre singula quoque uocabula: quibus utuntur Dialectici, quæ aut græca habeantur, aut græcorum imitatione sint facta: quorum etiam nonnulla male a recentioribus accipiuntur. in his enim græca ratio sequenda est: quæ qui ignorant: sæpe falluntur. Quam multa autem sunt apud ipsum Aristotelem: quæ aut latine transferri optime nequeunt: aut si transferant, sensum ipsum græcū non usquequaque reddant. Quod ea de causa dictum uelim: quod nonnulli existimant, si legant Aristotelicas quasque translationes: statim se sententiam tenere philosophi. Quæ res plerisque fallit & quidē non indoctos: cum & qui transferunt plerumque ipsi allucinentur atque aliud pro alio reddant. & qui legunt aliter plerumque accipiant: quam ab eo dicantur. tam igitur Aristoteles sine græcis literis intelligi optime potest: quam sine se. Quomodo enim, uim saltem ipsam Aristotelicæ locutionis intelligent: quæ ille adeo elaborauit: ut aditum eo pacto suæ philosophiæ præcluserit socordibus atque inertibus ingenijs. Quanquam sunt qui hæc sane non magnifaciant, immo uero & contemnant, qui & Dialecticæ usum longe melius teneri hac nostra tempestate affirmant, quam Aristoteles ipse calluerit. Quæ res uellem equidem pro mea in nostros uiros beneuolentia, tam uere, quam animose diceretur. sed nos hæc aliorū iudicio relinquimus: ne quod græce dicitur ὑπὲρ τὰ ἱκανήματα πρὸς ὧμεν, ne uel dum alios arrogantia fortasse arguimus: ipsi arrogantiores reperiamur: qui supra crepidam iudicare audeamus. Transeo igitur ad Poeticam, cuius & inuentio & usus, ita totus græcorum est: ut quod de furore ait Plato, inanem esse hominis conatum: qui sine furoris ea, quæ uult specie ad poeticas fores accesserit: de

rit: de ignaro græcarum literarum dici possit, incassum scilicet cum laborare. nunquam enim ingressurum musarum penetralia. Nam ut omittam principem omnium Homerum, a quo ceu fonte perenni uatum pierijs ora rigantur aquis, ut alios græcos Poetas, qui quasi uiam strauere posteris ad quoduis poematis genus, nonne fabulæ ac figmenta ipsa poetica, quibus tota uis atque uniuerſa pene constat poesis, ita græcorum propria sunt, ut uel ab illis sint accipienda: uel illorum more confingenda. Quod si qua etiam a nostris conscripta extant, ea aut e græcis pendent, aut manca sunt: & ad græcos nihilominus referenda. Quin & figuræ ipsæ uerborum, & quos tropos appellant, Translationes, Comparationes, Similitudines, quæ quasi condimenta sunt totius poeticæ compositionis, uel a græcis mutuanda sunt, uel illorum imitatione tractanda. Ideoque inquit Oratius, uos exemplaria græca nocturna uersate manu, uersate diurna. Inuentio quoque ita græcorum pene peculiaris est, ut nostri quotiens aliquid acutius, aut elegantius afferre uolunt, id totum a græcis transferant integris sententijs, uerbisque seruat. Quid quod & nomina ipsa uel locorum uel hominum, quibus in poesi nonnunquam uti cogare: græca sunt magna ex parte, in quibus si græcam originem ignores, plerumque fallere necesse est. quod non modo nostræ tempestatis hominibus contigit alioqui non indoctis, sed & uetustiorum nonnullis, ut Sidonio, Prudentio, Aratori, Iuuenco, qui græcorum nominum quantitate sæpe sunt abusi. Carminum insuper numerorum pedumque genera græcam habent & originem, & appellationem, quæ tametsi a nostris quoque tradantur, at tamen a græcis & copiosius explicant, & melius intelligunt.

Rursus uerborū, ac rerum copīa a gr̄cis tota sumenda est, quibus, ut ait Martialis, nihil est negatum, siqua enim sit apud nos dictionum compositio facienda: aut uocabulum innouandum, sequenda est gr̄ca figuratio, ac siqua in syllabarum quantitate licentia uti uelis, nisi gr̄cam adhibeas obseruationem: non probabere, sed aut argutule, aut impetrite fecisse uidebere. Itaq; non immerito Aristophanes nugas ac delyramenta ceteras omnes nationes existimari uoluit in iudicandis poetis: exceptis Atheniensibus, quos & natura sapientissimos appellauit. Nec iniuria Mineruam iſdem totam sibi uendicant: cum & ceteri Dī, qui aut poetica, aut eloquētiæ numina esse creduntur, gr̄cis & ipsi adscribantur, nam, ut inquit Oratius, Graīs ingenium, gr̄cis dedit ore rotundo musa loqui. ac de poetica quoq; hactenus. At puto Orator euadet quis egregius sine gr̄cis literis, Cicerone duce. Negari profecto non potest Marcum Tullium, ueluti normam esse dicendi in sermone nostro, si tota teneatur in eo uis atq; uniuersa dicendi ratio, sed id qui fieri potest sine gr̄cis literis? Quemadmodum enim in disciplinis: qui ante Aristotelem philosophi mathematiciue elaruerē, uſos esse nonnunquam demonstrandi figuris, sunt qui scribant, sed demonstrationem omnino ignorasse. eodem modo potest & quis sine gr̄cis literis loqui fortasse ex arte aliquid: sed id ut se facere sentiat, aut quo modo fiat, ut ſciat, uix credi potest. uis enim ipsa dicendi, tota pendet e gr̄co, tanquam e sui autore. Huc accedit, quod quæ de arte a nostris traduntur, aut cōfusa sunt: & inuoluta: aut parum idonea ad explicanda singula, quæ in orationis artificio latent. Quæ uero a gr̄cis, anxia pene dixerim diligentia & obseruata

Oratoria.

obseruata sunt & perquisita. Deniq; ceterarum artium aut
 sciētiarū potest in alios quoq; nō nihil redundare, at orato-
 riæ inuentio, atq; usus, totus græcis debetur, qd' ne Virgiliū
 quidē dissimulare potuisse palam est, cū inquit, orabūt cau-
 sas meli⁹, nulla em̄ uerborū magis patie^r ornatū: quā græca
 lingua, atq; adeo, ut nō ueritus sit, pnuntiare Aristides, alio
 rum omniū nō barbarorū modo, ut ait, sed græcorū quoq;
 locutionē, si cū Atheniensium sermone comparet, puerorū
 esse balbutientiū uocem, qd' tametsi nimis magnifice dicit,
 attamē non procul abest a uero, idē em̄ de attica uenere dici
 potest: qd' de Periclis elocutione scriptū reliquere tum Eu-
 polis, tum Aristophanes, in eius scilicet labris leporē ac per-
 suasionis deam insedissee, atq; in eorū mētib⁹ qui audissent
 quasi quosdam aculeos relinqui solitos, demū fulgere eum;
 tonareq; atq; om̄ia permiscere. Demosthenes quoq; Athe-
 nienſes ipsos eo minus credi a cæteris queritur: quo para-
 tiores sint ad dicendum quā cæteri. Hinc Cicero noster tam
 & si tantus in eloquētia, se quidem conari, Demosthenem
 autem perficere: se uelle, Demosthenem posse ingenue pro-
 fessus est. & Quintilianus Ciceronem a Demosthene quan-
 tus fuit: effectum scribit, Quo fit ut nō falso Aristides dixe-
 rit Atheniēſes solos trophaum sibi crexisse nullo sanguine;
 subactis om̄ibus gētibus oratione, ac disciplinis, proindeq;
 homines se suosq; a Dijs immortalibus petere, optareq; ut
 Atheniēſibus potissimū similes euadant doctrina, atq; in-
 geniorū cultu, qui cibus humani animi esse censet: cuius in-
 uentio nō minus Atheniensibus deberi credit: quā frugum,
 quas illis primū largita Ceres dicitur. Nec mirum profecto
 uideri debet: si ex omnibus orbis partibus Athenas olim
 homines

homines confluere soliti fuerint, discendi gratia. ut enim cætera animantia eo præcipue trahuntur naturali impetu, ubi uesci, atq; impleri cibo maxime possint: ita & homines, qui aut animus tantum sunt: ut Platonici uolunt, aut potissimū animus, ut Aristoteles, illuc sua sponte duci uerisimillimū est: ubi largissima sit copia spiritalis cibi, ac uere diuini, quæ disciplinæ ipsæ suppeditant, quæ Athenis in primis darueret: indeq; factum est: ut nostri quoq; poetæ doctas Athenas perpetua quasi appellatione uocitarint. sed de oratoria satis. Philosophiæ uero pars tantum naturalior recentioribus latinis in usu semper est habita: quam Aristoteles diligentissime est persecutus. At diuinior illa, quæ Platoni adscribitur: & quam ueteres quoq; Romani admirati consq; sunt: ut diuinitatem quandam inesse eius uiri scriptis intellexerint quidem: explicare autem non ausi fuerint: ac secuti postea nostri, græciq; theologi Christianæ religioni maxime conuenire demonstrarunt, intacta hætenus iacuit nostris his philosophantibus, nunc uero a plerisq; desideratur magis, quam habeatur. nam sine græcis literis degustari fortasse potest: hauriri non potest. At Mathematicæ scientiæ tam possunt sine græcis literis perfecte teneri, quam sine græcis autoribus. eiusmodi enim sunt quæ ab alijs traduntur: ut siquid modo uel paululum a græcis diuerterint: in profundum labantur erroris: unde educere sese postea, atq; explicare nequeant. Quemadmodum enim qui iter ingreditur: si semel excedere eum e uia, aut aberrare contigerit: quo longius processerit: non magis eo tendit: quo uult: quā recedit inde: ac fugit: sic qui in disciplinis, præcipueq; Mathematicis præscriptum semel ordinē liquerit: de discenda discit.

Phyfica.

Metaphy/
fica.Mathema/
tica.

discit. satius enim est nescire aliquid prorsus: quam peruerse scire. cum deterior longe sit dispositionis ignoratio: quam negationis: ut Aristotelice interim loquar. Quam autem fallant: qui mathematicas res sine græcis literis, & illotis, ut aiunt: pedibus aggressi sunt: facile intelliget: qui Campani expositiones in Eudidem cum Theonis editione, ac Prodi commentarijs conferet diligentius: aut Euclidis eiusdē perspectiuam, atq; opus aliud de speculis, cum ijs, quæ latine scripta sunt iisdem de rebus. aut mathematicas Aristotelis quæstiones in libris, quos problematum appellant: atq; in omni philosophia rimentur: quemadmodum a latinis intelligantur. Quod si Boetij quoq; arithmetica, tametsi diligentissimi græceq; doctissimi, ad Nicomachi præcepta, Iamblichī, ac Philoponi commentaria referant accuratius: perspicient profecto: quam græca ipsa, non modo exactiora, sed & ueriora dicantur. De Musica illud satis dictu fuerit: *Musica.* omnia instrumēta, sonos, proportionēs, consonantias, neruos, græcam habere appellationē. prætereo græcos Musicæ scriptores Euidē: Aristoxenū: Nicomachū: Ptolemæum: Plutarchū: Bryenniū: Porphyriū: atq; alios. cum apud nos unicus sit Boetius: exceptis Diui Augustini paucis: & Macrobij, ac Marciani Capellæ non nullis. Nam nostram hanc Musicam, a uetere illa iam pridem descuiisse, cum pluribus indicijs, ut credam: compellor: tum Olympiodori quoq; grauis philosophi testimonio maxime moueor: qui cæterarū disciplinarū, Arithmeticæ, Geometriæ, Astronomiæ reliquias sua quoq; tempestate seruari scribit: de Musica autem illum Homeri uersum usurpauit: ἡμεῖς μὲν κλέος ἐν λόγῳ ἀκονόμεν, οὐδ' ἐ τι ἴδμεν: id est, nos clarū audimus no-

Astronomia

men: nihil inde tenemus: quasi nihil sit reliquū ueteris Musi
 ca. In Astronomiā quoq; multa mihi uidentur esse apud
 græcos: quæ a Latinis desyderentur. Nam præter Ptolemæi
 scripta, & ea nō nimiū fortasse fideliter ad nos tralata: pauca
 sunt: quæ ad ueræ Astronomiæ usum aditū præbeāt. Quid
 enim simile apud nos habetur τῶν εὐκλείδου φαινομένων: quæ
 ueluti Astronomiæ elementa traduntur a græcis. Quin &
 Theodosij σφαιρικὰ uti principia totius astronomiæ sumi de
 bere, autor est Philoponus. Quippe quæ exactiora sint: &
 eandē obtineāt rationē ad astronomiā: quam Geometria
 ad Opticē: ad Armonicē Arithmetica. siquidē ἀνιόττερα,
 hoc est immaterialiora sint, ut scribit David philosophus
 non incelebris. Theodosij autem σφαιρικὰ sequi dicit Philo-
 ponus Autolyçi opus περὶ τῆς κινουμένης σφαίρας: hoc est de
 sphaera: quæ mouet. indeq; postea principiū sumere astro-
 nomiam: utpote minus exactis, minusq; certis demonstra-
 tionibus utentem q̃ ij faciant. quæ enim in Astronomia
 demonstrēt: summā extremāq; certitudinē nō polliceri di-
 cit: sed quod proxime accedat. umbrarū insuper ratio non
 abesse ab Astronomiæ præceptis creditur: cuius rei a græ-
 cis quoq; tradūtur demonstrationes, nec desunt qui de his
 scribant, sed nos hæc alijs pensitanda relinquinus. satis em̃
 habuimus innuisse. Medicina uero eo magis indiget græcis
 literis, quo maius periculū affert ignoratio medicamēti: aut
 ægritudinis: quod euenire illis nōnunq̃ uerisimile est qui
 græce nesciant, quando græcis uocabulis omnia pene uocitē-
 tur apud medicos: & eius artis autores græci præcipue in
 pretio habeantur: a quibus si qui in alia lingua daruerūt: ue-
 luti riui fluxerint, manarintq; ac siquid habent: inde acce-
 perint

Medicina

perint. quanq̃ non purum id, sincerūq; secum ferant, quæ res non modo a nōnullis nostræ quoq; tempestatis medicis animaduersa est: sed scriptis etiā prodita. Ad summā nō uideo quid in quauis disciplina sciri recte possit, si græca ignorentur. Nec fuerit iuris quoq; consultis hoc inutile, nam & Iura multa habentur in græcis legū codicibus, quæ apud latinos nusq; legantur. siquidem, ut Politianus præceptor noster dicere solebat, multa græcis legib⁹ addidit Iustinianus, quippe quæ latinis notiora existimaret, quā ut scribi oporteret: græcis autem, utpote alienis admodū a Romanis moribus, consuetudinib⁹q; explicanda latius censuit: quæ nunc remansere, illis apertiora, quā nobis, propterea q; inde petenda. Accedit & illud, quod in latinis Pandectis, quæ nūc Florentiæ uisuntur: integra legum interpretamenta græce inueniuntur adscripta, quæ & ipsi uidimus, legimusq; & græca testimonia citata, ut Homeri sæpenumero, & græca uerba addita significantiæ gratia, atq; expressiōis, quod non ab re fecisse uidetur Iustinianus inter græcos magis, quam latinos referendus: quando in græcia semper uixerit: quod ex Procopij certe historijs licet animaduertere. Et quoniam in historiæ mentionem incidimus, quantam hac quoq; in parte utilitatem præstet latinis hominibus græca lingua, haud facile dixerim: cum multa sint a græcis petenda ex nostris quoq; rebus: nō enim omnia adhuc ad nos tralata peruenire. sed quota pars, atq; ea nescio an satis fideliter: quæ de re, ne, quod dicitur, cum laruis luēter mortuos insectando, dicere nunc supersedeo: præsertim cum iam pleriq; animaduertere incipiant: quam sit erratum in historicis potissimum tralationibus. & nos hæc, & pleraq;

Historia

c. 1. alia,

alia, quæ perperam in singulis disciplinis traducta habentur:
 copiosiore oratione non maledicēdi certe studio, sed ad no-
Theologia. strorū hominū utilitatē aliquādo ostendemus. Theologia
 demum, & si non nihil a græcis dissidet in præsentia, attamē
 multa est ab illis olim mutuata, & nunc quoq; potest. sunt
 enim ueteres græci scriptores: quibus nō minus, quā nostris
 ueritas ipsa roboretur: quippe quos secuti nostri: quorūq;
 placitis innixi, totius religionis ualidissima, firmissimaq; ie-
 cerint fundamenta. Quis enim quæso Basilium illū magnū
 non complectatur Christianæ quoq; fidei hostibus admi-
 randū: incertūq; doctiorē ne, an eloquentiorē? Quis duos
 Gregorios Nysses, & Nazianzenū, non duo belli fulmina
 ut poetæ Scipiones: sed duo religionis lumina, uel potius so-
 les nunq; obscurandos? quorū alter theologi cognomentū
 meruit apud suos: & diuum nostrū Hieronymū quantus
 est: effecit: alter præter philosophiæ quendam ueluti affla-
 tum, tanto quoq; fluit lepore: ornatuq; uerborum: ut Basi-
 lij fratrem, uel potius discipulū, ut se ipse appellat: facile pos-
 sis agnoscere. Prætereo Athanasium minus his fortasse cul-
 tum: sed certe nō minus diuinū. transeo Damascenum non
 theologū modo acutissimū: sed acrē & philosophū, & Dia-
 lecticum. taceo Chrysostomū, nō ab re profecto cognomi-
 natū aurei oris. omitto & alios: quorū & scripta, & senētia
 ita circūferuntur a nostris: ut pro oraculis haberi uideātur.
 Quid? quod omnia, quæ de Christo literis mandata sunt:
 græce primum composita feruntur: excepto Matthæi euan-
 gelio. Quare fieri non potest: ut non nullorū fides e græco
 petenda non sit: Quēadmodum eorum, quæ a Mose, aut
 Prophetis scripta sunt: ex hebraicis petitur uoluminibus.
 quod

DE LAVDIBVS GRAEC. LIT. ORATIO.

quod facere nonnunquam uidetur Diuus Hieronymus : & fecisse ante eum Origenes credi potest, atque Apollinaris uir uterque doctissimus, & hebraicae linguae studiosus. Quoquo igitur te uertas: praesto adest graeca lingua: operam suam in omnia praestitura: quam si refugias: non tam illam reiecisse: quam te necessarijs admodum rebus fraudasse uideare. Atque haec sunt: quae de graecae linguae uel nobilitate, uel utilitate dicenda sese nobis obtulerunt: nimium fortasse multa latino homini. non enim uideor inuidiam meritis: quod latinus apud latinos ita graeca extulerim, ut pene nihil nostra esse contenderim, quod non tam laudandi gratia aliena, quam nostros homines admonendi dictum existimari par est. Quippe cum in ea perdiscenda maiores nostri ita laborare sint soliti: ut uix sine illa quicquam se scire putarent. semper inquit Cicero, ad meam utilitatem cum graecis latina coniunxi. Quintilianus a graecis incipiendum praecipit. Ouidius quoque inquit: Nec leuis ingenuas pectus coluisse per artes Cura sit: & linguas edidicisse duas. Claudius Caesar utranque linguam nostram appellare solebat: nec iniuria: cum ita graecam linguam tenerent ueteres Romani: ut nihil apud eos differret graecae ne, an latinae, uel scriberent: uel loquerentur. Ennius tria corda se habere iactabat: quod triplicem linguam calleret graecam: latinam: & oscam. Ouidius dum in Scythia exularet: atque aduenarum congressum nonnunquam desideraret: eius inquit, qui accesserit, siue graeca scierit: siue ille latina uoce loqui: certe gratior usus erit. Nero imperator apud patrem consulem iuuenis adhuc pro Rhodijs, atque

tine declamare solitum : nemo est qui ignoret . eundemq;
 græce aliquando Rhodi orasse : quem cum audisset Apol-
 lonius:exclamasse fertur:gracā quoq; eloquētiā Romā a
 Cicerone transferri . idem cū de tēporibus suis græce scripsis-
 set græcorū q̄rundā hortatu,gracā omnē nationē a scriben-
 do deterruit . scripsit ἱῆsdem de reb⁹ & Pomponius Atticus,
 qui & cognomentū adeptus credit : qđ atticā linguā ita re-
 ferre crederet:ut natus , educatusq; Athenis uideretur. Qđ
 Theophrasto hominē græco, ac diuinæ eloquētiæ uiro con-
 tingere non potuit,quominus a uetula argueretur: tanquā
 non atticus, sed externus, dum cupit nimium atticus uideri.
 Bruti græcas epistolas, quæ adhuc in manibus habentur &
 Plutarchus laudat : & Philostratus omnium imperatorum
 epistolis longe anteposit: & Mithridates quidam regij ge-
 neris summopere admiratur: Marci quoq; Romani impe-
 ratoris græcas epistolas uehementer probat Philostratus.
 Quam multi autem ex Romanis , græce potius, quam la-
 tine historias scribere aggressi sunt . Albinus meminuit Gel-
 lius , Luculli Plutarchus , Diui Claudij græcas historias,
 præter Suetonij attestationem citat Stephanus græcus au-
 tor, Arrianum, cuius de Alexandro Macedonū rege græcæ
 extant historiæ , & de Epicteti stoici dissertationibus opus,
 inter primates Romanos numerat Lucianus . Aelianum
 cuius multa adhuc græce scripta leguntur, Romanum fuisse
 scribit Philostratus, & quod maius est : græcam linguam in
 urbe didicisse , ac nunquam excessisse Italia : Germanicum
 Cæsarem græca quoq; scripsisse poemata autor est Quin-
 tilianus. Quin & græca eius epigrammata adhuc leguntur.
 necnon Tiberij , Adrianijq; omnium elegantissima, nostra
 quoq;

quoq; tempestate non defuere: qui græce scriberēt. ut præceptor noster Politianus, quem & Ioanni quoq; Argyropylo græco homini sæpe admirationi fuisse uidimus: ut uelut Hermolaus nunquam satis laudandus. Nemini igitur mirum uideri debet græcam linguam adeo a nobis probari, commendariq; in qua uideam maiores nostros, non minus laborasse, quam in latina: cuius & parentem, & altricem illam proculdubio & crediderint, & prædicarint: a qua & si nihil aliud, disciplinæ certe nostræ, fluxerint, ut ait Quintilianus. Quemadmodum autem qui de parentibus optime mereri student, non ægre ferre creduntur, si tota eorum dignitas, atq; existimatio in eos referatur, qui non solum fundamenta iecerint suæ felicitatis: sed eo quoq; perduxerint: unde illi nunc apud omnes in pretio sint. sic non indignari debet latina lingua, si tota eius gloria in græcam redundet omnium bonarum artium magistram. cum enim uetus lex sit, ut Aristides inquit, Altoribus uniuersam referre gratiam quoad fieri potest, tantum abest, ut me latina offendere putem græca laudando, ut & gratificari me magis existimem latinæ linguæ, quod gratiâ, si non omnem, saltem quam possum, eius quod dicitur uerbis, illi referam, cui & debere se plurimum, & debuisse semper ingenue professus sit. Quippe quæ nihil unquam æque abhorrerit: atq; ingrati animi uitium. benignum est autem fateri per quos profeceris, inquit Plinius. Studium autem nostrum hac in re tantum abest ut ostentare in præsentia uobis studuerim: ut uehementer doleam, me non tam hæc dicere co-

ætate aliena sectando: ut pene negligere mea: nisi peruidis-
 sem & doctissimorum quorūq; exemplo; & ueterum testi-
 monijs, omnem uim latinæ linguæ in græca cōsistere: quod
 cum & re ipsa demum cognouerim: non cōmittendum pu-
 tauī: quominus & uos, & singulos quosq; bonarū artium
 studiosos, quantū in me esset ad eadē adhortarer: anima-
 rem: accēdere: ne difficultate rei deterreremini. tanta est em̃
 illi: quod iam diximus cum latinitate coniunctio: atq; affini-
 tas: ut eadem propemodum utriq; conueniant. Quare non
 uideo: quid hac in re sit cuiquam pertimescēdum cum nihil
 pene noui sit offensurus. sed quod de animis nostris aiebat
 Plato: reminisci eos cum essent corporib⁹ obducti: omniū:
 quibus multo antea diuinitus fuissent imbuti: id latino ho-
 mini euenire credendum est græca discēti: eadem quasi re
 fumere: quo fit: ut nō magis præceptore uobis opus esse di-
 xerim: quam monstatore: qui in memoriam suggerat: exci-
 tetq; græca ueluti uestigia: quæ subobscura, tenuiaq; uestris
 ingenijs iamdiu reposita, conditaq; seruantur. ad quam sa-
 nerem, græci fortasse hominis opera commodior: quā no-
 stra: ego uero, ut non negauerim, sua melius græcos tenere
 quam nos: ita affirmauerim: nostra nos melius nosse: quā
 græcos, insuperq; tam posse nos res illorum perdiscere: quā
 illos nostras. cum itaq; latini docendi sunt græca: nescio an
 græci studiū latinæ sedulitati antepōnēdū sit. nō tam enim
 intelligendī, quāq; id quoq; ratio habēda est: quā explicā-
 di. qd' si quis pronūciationis tantū græce studio, eius ad un-
 guem p̄discēda gratia, græcū sibi cupit præceptore: Quin-
 tilianum audiat præcipientē: non esse dandam operam li-
 teris græcis supersticiosē: ut & plurima oris accidant uitia,

& in

& in peregrinum sonum corruptus sermo perduret: sed ita discendam esse græcam linguā comite latina: ut neutra alteri officiat. quæ res, a latinis melius, quā a græcis accipi potest. si quis autem examissim utrūq; se præstaturum confidit: illum mirabor & ipse: & dicam monitis non eget iste meis. Nos uero operam nostram quibus ingrata non uidebit: pollicemur: nō magis duces, præceptoresq; professi nos ipsos, quā comites, sodalesq;. Quippe qui nullū laborē, nullā molestiā recusaturi simus: dū uos ita græcis imbuamini: ut disciplinas inde omnes, quascūq; libuerit: facillime adipiscamini. a quibus eo postea perducendi sitis: ubi cū fueritis: liceat iam humanā felicitatem, siqua modo est in hac uita: quasi manu prehensam tenere: quā si dimiseritis: uobis ipsi defuisse uideamini. non est autem cur uos moneā ulterius: uti homines esse memineritis: quibus felicitas hac quæ cūq; sit: debeatur. nam hoc tam cuius notū esse debet: quā quod uiuat. illud potius nostra interest: cōfirmare uos: atq; adhortari: ne laborē reformidetis: qui uoluptati, quā in ipso statim limine græcarū literarum percepturi estis: adeo iunctus est: ut nō magis laborādū uobis esse uideat: quā uoluptati honestissimæ inferuiedū. qua ut ampliore quoq; perfruiamini: nihil mihi uideor omisurus: nihil præteritur: quod queri a uobis aut desyderari nouerim, si modo eiusmodi sit futurū, quod & nobis quoq; non ignoretur. Quid enim literato hominē turpius, aut ab humanitate alienius, quam si aut scisse, aut didicisse frustra uideatur? Frustra autem & scit & didicit, qui nec commentando, nec docendo cuiquam

est, si integrum, absolutūq; sit: ita erudito homini nihil con-
uenire magis dixeris: quā efficere, relinquereq; post se sui si-
millimos in studijs, ac disciplinis: si aut homo fuisse uideri
uult: aut non indoctus homo. hominē enim hominis causa
natum credi par est. Quare neq; inuidere cuiq; in literis fas
iudico: neq; suppressere quicquam: quod utile futurū existi-
mes aut uiuentibus, aut posteris: nam ut ait Theognis:

χρὴ μουσῶν διδάποντα, καὶ ἄγγελον, εἴ τι περισσόν

εἰδείη σοφίης, μὴ φθονερὸν τελέθην.

ἀλλὰ τὰ μὲν μῶσαι, τὰ δὲ δακνύναι, ἄλλα δ' εἰ ποιεῖν.

τί σφιν χρήσεται, μῦθος ἐπισάμενος;

hoc est,

Musarum interpres, siquid sapientius unquam

Nouerit, inuidia sit procul ille mala:

Nuncq; alia inueniat, nunc monstret, plurima condat:

Si solus sapiat, nempe quis usus erit?

Quippe ut Plato aiebat: non minus ad felicitatem pertinet
bonos efficere: quam bonum esse. ideoque nulli magis idē
familiarius se offerre solitus erat: quā cui plurimo usui esse
posset: quicq; se, suisq; rebus maxime frui ualeret: quod mihi
quoq; uideo esse faciendum, in ea præsertim Ciuitate: quæ
non tam potētia, atq; imperio ipsius sit Italiæ Metropolis:
quam quibusuis uirtutibus totius orbis grande specimen
atq; ornamentum, uel potius naturæ miraculum, cum quæ
imperium uitia comitari solent: non modo ita refugerit, ut
non inesse possint suæ reip. sed ne excogitari quidem. Qua-
re beatum iudico eum, quem cuius studio incumbētē de-
gere in ea contigerit, sed beatissimū, quem literariæ faculta-
tes exceperint, cum tot præsertim, tantaq; undiq; suppetāt,
affluātq; ad eā rem cōmoda, ut fingi fortasse plura possint,
haberi

DE LAVDIBVS GRAEC. LIT. ORATIO.

haberi certe non possint. ubi enim, ut alia omittam: tanta librorum copia, quanta post Gotthicam ruinam nunq̃ fuit, nec ueteribus uero Romanis aut græcis florentibus in his, quæ extent fuisse credi par est, cum nouo hoc inuento carenterent imprimendorū librorū: qui & pulcherrimi iam atq̃ emendatissimi prodire incipiunt, Aldi potissimum nostri opera: de quo illud habeo dicere, quod de Porphyrio inquit Simplicius, omniū bonorū nobis autor Aldus. uobis uero illud mihi uideor accommodaturus, quod Demosthenes, quē interpretaturi sumus: Atheniēsisbus protulit. Ferte autē rogo æquo anio græcis me pauculis uerbis uos alloqui.

ὁ μὲν οὖν παρῶν καιρὸς ὃ ἄνδρες ἑνετοί, μονορουχί φωνήν ἀφίεις λέγει, ὅτι τῶν ἑλληνικῶν ὑμῶν λόγων ἀτιληκτέον ὅσιν, ἵππερ ὑπὲρ ἐντυχίας αὐτῶν φροντίζετε, hoc est, præsens itaq̃ tēpus o uiri Veneti quasi emissa uoce pronūciat capeffendas esse uobis græcas literas, si quid de felicitate uestra cogitatis. nam ut Virgilianū quoq̃ carmē in uos transferam: Via prima felicitatis, quod minime reminī: graia pandetur ab urbe. Expergiscimini igitur iam: & capefflite græcas literas ultro sese uobis offerentes. Dixi.

HABITA FVIT HAEC ORATIO VENETIIS
MENSE IANVARIO. M. D. IIII.

ἡμεῖς φρονίμοι ὡς οἱ ἄφρονοι

Prudens simplicitas amorq; recti.



ὁ σοφὸς ὡς ὁ ἄσοφος

ἀκρίβως ὡς αἱ περιεργαί.